

中國方志叢書·華北地方·第十四號

據

民國王蔭桂等修張新曾等纂
民國二十六年鉛印本


影印

山東省

續修博山縣志

(一)

成文出版社印行



10107801

中國方志叢書·華北地方·第十四號


據 民國王蔭桂等修張新曾等纂 影印
民國二十六年鉛印本

山東省

續修博山縣志

(二)

成文出版社印行



10107802

中國方志叢書·華北地方·第十四號

據 民國王蔭桂等修張新曾等纂
民國二十六年鉛印本 影印

山東省

續修博山縣志

(三)

成文出版社印行



10107803

中華民國五十七年三月臺一版

續修博山縣志

全三冊

定價：新台幣一一二〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號
電話：九二二〇一〇號

印刷者：正 大 印 製 廠

三重市長生街二號之一

內政部登記證內版臺業字第一一四七號

版權所有

民國二十六年六月

續修
博山縣志

張新曾題

總 理 遺 像



革 命 尚 未 成 功

同 志 仍 須 努 力

續修博山縣志卷首目錄

緣起

舊序

新序

辦事細則

舊志纂修姓氏

新志纂修姓氏

舊志凡例三十二則

新志凡例

圖考

輿地圖

城市圖


學區圖

續修博山縣志緣起

吾博縣志創修於前清乾隆十八年癸酉迄今一百八十二載其間政治之沿革人物之代謝湮沒而不彰者不可勝計失此不修恐無以善其後矣民四春蔣衍升倡議修志入手調查民二十前高道天縣長委李守中主任編纂皆以未及實行而歿良可惜已二十二年冬

省主席韓通令各縣修志 王蔭桂縣長於二十三年六月提經縣務會議決嗣卽召集全縣人士於是年九月成立續修縣志辦事處分工合作迨二十四年冬脫稿爰述其緣起以記之

中華民國二十四年十二月王鳳藻撰



博山縣舊志序

周官小史掌邦國之志外史掌四方之志此志所由昉也自天下改爲郡縣而歷代之沿革於是乎錯出以故由縣而郡而省莫不各有所志凡欲考諸政者按其圖籍則山川土田疆域物產無不周備至於戶口之登耗人物之盛衰風俗之淳澆賦役之繁簡所以因時補救者亦藉此以布之志之所係亦大矣哉顏神鎮舊隸益都離城一百八十里我世宗憲皇帝俯念鄉民輸納維艱分設博山縣并割淄川萊蕪兩縣地以屬之迄今幾二十年未有耑志蓋以官斯土者率視爲不急之務而剗剔之資又必待金錢始贍誰爲倡予和法者邑志之不修固無足怪也客夏余奉命承乏茲

邑求之弗得慨然思舉曠典而自維弁陋乃與司鐸田公少府同君集諸紳士謀之僉曰善爰設局纂修廣求遺文博訪輿論輯成一書越六月而告竣鏡歷代於寸簡羅四封於尺幅而盛時之文獻佳行庶不至漸湮乎異日者則邑志之修不無小補也夫

乾隆癸酉杏月穀旦博山令長白富申撰

博山縣舊志序

博邑山川人物散見於郡邑志者由來舊矣然當改邑之先一鄉耳於郡邑最僻遠操觚家既未嘗身至其地而詳考其溪山風土故紀載不甚切實且不及什之一二焉厥後故相文定孫公謝政在里著顏山雜記以鄉先生述鄉里事既工且信曰顏山從其鄉也曰雜記隨所見聞以書非志家體例也文定公誠知立言者矣先是青州別駕葉公先登偕鎮鄉貢生張公聯翼創修顏神鎮志一書其文詳博精核艷稱於時孫與張甥舅也雜記之作實緣起於此迨我國家建置新邑幅員益廣制度亦異而邑乘闕如於是

有虞山仲生是保者纂志略彙二卷仲爲贊善趙公弟子嘗館於

趙氏暇則策蹇四出攬其山川徵諸碑記頗能補雜記之所未備然無纂修之權用力多而成功少亦可憾已壬申長白富公來宰茲邑士麟亦忝司訓於此甫數月卽及志事遂集諸紳士共襄鉅典而屬士麟與其事自惟謏劣固辭不獲因詢之父老參之志乘訛者正之遺者補之而勸懲之旨法戒之義則附以鄙意此豈敢自附於著述之林哉念立邑以來二十年未修之典今賢侯一旦成之以附於郡邑志之後微特此邦之文獻藉是以傳而士麟亦與有榮施矣是爲序

乾隆癸酉杏月穀旦博山縣儒學訓導曹州田士麟撰

博山縣舊志跋

原夫顏山龍窠名肇文姜孝水汪洋澤由順德巾幗之天經克盡山川之地氣旋開以致齊魯荒郊蔚爲巨鎮虛危躍次竟作名區唐宋以前尙歸於淄邑元明之際改隸夫青州築城而龜窟協從三里成於三月分職而尊卑畢至百姓瞻彼百官閭閻則雁齒齊排悉依巖而臨水商賈則鼉梁載上亦帶闔而通闔暨乎我朝遠邁往古山陬海澨罔不歌咏於太平小子成人相與沐浴乎文教於是此邦之人士嶽降星流累世之篇章雲蒸霞起固已兆規同之勢稱文獻之墟矣世宗憲皇帝御極之十有二年闡澤覃敷湛恩汪濊興利除弊萬方予以更新酌古宜今百度於焉具舉爰爲

改邑以便斯民既將萊蕪故邑以來歸幅員乃廣復割般陽遠地而近附土田亦增洵可久之大猷不易之善制也然而侯封百里著述宜詳邑宰數更纂修無意往蹟之盛衰莫據歷代之人文就湮惟我堂臺富公上承憲意下順輿情集博士之協謀蒐羅務廣兼司鐸之綜理筆創維嚴上星度而下井厯前封疆而後田賦土物註其繁庶人材徵其瑞靈既綱舉而目張亦條分而縷晰瑞欣逢盛典竊愧不才漫從釐定之餘得與校讎之役齊諸志怪妄備參稽魯豕傳訛聊爲訂正敢附諸公之末稍効一得之愚焉爾

乾隆癸酉杏月博山縣典史西安同瑞謹跋